

Ripiticion di Butishi di Alegria special cu Andresito Bikker

Despues di a recibi un cantidad sin fin di yamada di telefon, y tambe petitionnan verbal, Produccion Tromp a dicidi, hunto cu Gerencia di Radio Kelboom, pa ripiti e programa Butishi di Alegria special cu Andresito Bikker. E programa aki lo tuma lugar mañan merdia 2 or via Radio Kelboom.

P'esnan cu no a scucha e programa ainda, e ta contene cancionnan masha bunita cu Andresito a canta cu Estrella Musical, Sensacion del Caribe y cu Rondalla Unico di Aruba.

Tambe lo tin entrevista cu Fenchi Dubero, Chinto Croes y Humphrey Hewitt, kendenan a conoce Andresito hopi di cerca den mundo artistico y deportivo.

No perde ripiticion di e programa special aki di Butishi di Alegria, mañan diadomingo, cuminzando 2 or di merdia na Radio Kelboom. 106.7 riba banda FM. E programa tin duracion di 2 ora y 15 minut.